

O Complejo Ambiental Miramontes desminte que se procesen nas súas instalacións lodos procedentes da EDAR de Lugo

A empresa xestora dos lodos ratifica que os residuos son tratados nunha planta de Castela e León para a elaboración de solos artificiais

O Complejo Ambiental de Miramontes garante que os seus procedementos contan con tódalas autorizacións administrativas e ambientais así como os controis precisos

Lugo, 24 de maio de 2017

O Complejo Ambiental Miramontes **nega contundentemente** que os lodos procedentes da Estación Depuradora de Augas Residuais (EDAR) de Lugo estean a ser tratados nas súas instalacións, situadas na parroquia compostelá de Grixoa.

Tal como verificou o propio Complejo Ambiental Miramontes coa empresa xestora dos lodos da EDAR de Lugo, estes residuos estarían sendo xestionados nunha planta de Castela e León. Nesas instalacións lévase a cabo un proceso similar na elaboración de solos artificiais ós que se realizan no complexo compostelán. Se ben, o tratamento dos lodos procedentes da depuradora de Lugo non garda ningún tipo de relación coas instalacións de Grixoa.

Por outra banda, o Complejo Ambiental Miramontes, no que se integran varias empresas independentes pero coordinadas, garanten que os seus procedementos contan con tódalas autorizacións administrativas e ambientais, tanto de ámbito municipal como autonómico, precisas para levar a cabo as actividades que desenvolven neste espazo e que inclúe tanto a extracción de áridos naturais como o proxecto de recheo do antigo oco mineiro, agora en desuso. Un procedemento, este último, no que ademais, as firmas implicadas están a levar a cabo un proceso modélico de xestión e tratamento dos residuos, con sistemas de protección que evitan calquera tipo de vertido e ofrecen garantías medioambientais ó máis alto nivel.

Plan de Restauración da antiga canteira

A canteira de Miramontes, , desenvolveu unha actividade histórica de explotación de áridos ó longo dos anos. Esta canteira, que provocou un importante impacto paisaxístico e sobre o entorno, conta na actualidade cun Plan de Restauración das

superficies afectadas pola actividade mineira que chegaron ó final do seu ciclo de explotación. O plan de restauración é, por lei, unha responsabilidade da propia canteira nos seus orixes e conta coa aprobación da Consellería de Innovación e Industria. Este plan incorpora entre os seus principais obxectivos: a integración ambiental e paisaxística destas zonas degradadas para dotalas das condicións básicas para posibilitar a reintegración destas superficies no ecosistema, dunha maneira sostible. Ó amparo deste plan e coas autorizacións ambientais e administrativas necesarias desenvólvense dúas actividades de xestión e valorización de residuos, que teñen como fin a recuperación do espazo.

Garantías de calidade e control

O Complejo Ambiental de Miramontes dispón da correspondente licenza municipal, a favor de Cantera de Miramontes, para o desenvolvemento das tres actividades produtivas –extracción, restauración e recuperación ambiental- que na actualidade se están a levar a cabo no complexo. Así mesmo, tamén se dispón das correspondentes Autorizacións Ambientais Integradas a favor de cada unha das tres actividades que se contemplan nestas instalacións.

Así, en concreto a actividade da xestión de residuos no depósito de seguridade lévase a cabo cos máis altos estándares ambientais europeos, sendo esta instalación referente para o sector tanto a nivel autonómico como estatal, ademais de superar os requirimentos que fixa a lexislación de ámbito europeo, estatal e autonómico e contar con tódalas autorizacións necesarias.

Por outra banda, a planta de elaboración de solos artificiais (anexa pero independente) elabora, a partir de lodos de depuradora esterilizados –entre os que NON FIGURAN lodos procedentes da EDAR de Lugo- áridos reciclados e biomasa, un substitutivo da terra vexetal que se usa para a recuperación do entorno. Esta planta elabora e aplica, nas antigas zonas de explotación, o solo artificial que elabora, procedendo posteriormente á plantación de arbustos e árbores autóctonas sobre este chan artificial. Esta planta non xera vertidos ó exterior, pois o seu proceso non os contempla, nin emisións atmosféricas a excepción das xeradas pola maquinaria que aplica o solo nas zonas a recuperar. O impacto sobre o terreo só pode considerarse positivo posto que converte zonas degradadas en áreas fertilizadas.

Á par dos permisos e autorizacións legais coas que contan, ditas empresas están sometidas a inspeccións periódicas para garantir os preceptos medioambientais fixados polas autoridades competentes.

Intereses alleos á xestión de residuos

O Complejo Ambiental Miramontes lamenta verse salpicado polos intereses alleos á adecuada xestión de residuos, nunha acción impulsada por parte daqueles que precisamente puideran non estar facendo no mesmo entorno da provincia a máis adecuada das xestións deste tipo de residuos, salpicando a terceiros con mentiras.

Desde a entidade recordan que, durante as últimas semanas, viuse repetidamente denunciada en medios de comunicación a aparición de múltiples vertidos de lodos en parcelas rurais na mentres que en casos como o de Miramontes a xestión é a adecuada, posto que estes son elaborados dentro de instalacións, de xeito confinado e con garantías de calidade e control.

Saludos, Benito G.Carril

DIRCOM

Complejo Ambiental Miramontes

Lugar de Miramontes s/n Grixoa

Santiago de Compostela

www.camiramontes.gal*

656725594